

T. 14

بسم الله الرحمن الرحيم
رسالة
الحمد لله الذي جعلنا
معلمين في هذا العلم

عموم مكاتب ابتدائية لدره تدريس ايدملك اوزره معارف نظارتي
طرفدن انتخاب وقبول بيورلمشدر .

ابتدائية لدره تدريس الويريشلي و معلم افند بلرجه سهولتي اولقي اوزره
عظام عثمانيه دن هر بينك تاريخ ولاد تليزله جلوسلريني وزمان
سلطنتلرنده واقع اولان باشليجه محاربه لر ايله بيوك وقه لريني قاج سنه
سلطنت ايشكلري ايله تاريخ ارنحاللريني حاويدر. درسلك ، چوجقرك
ذهنلرنده قرايدوب اتمه ديكي آكلاشلق ومهمه ملكه حصوله مدار اولقي
اوزره هر ري آلتنه بعض سؤالر وضع ايدلمش ، ايجاب ايدن كله ره حركه ،
شده فونلش ، و چوجقرك آكلاه بيله جيكي بولده آچيق تركه اوله رق
قله آلمشدر .

محرري :

احمد راسم

صاحب و ناشر



استانبول

آرتين آسادوريان و مخدوملري مطبعه سنده طبع اولمشدر .

۱۳۲۷

الشيخ
علي (م)

رسالی

گوچك نكاح عثماني

عموم مكاتب ابتدائيه لوده تدريس ايدلك اوزره معارف نظارتي طرفدن انتخاب و قبول بيورلمشدر .

ابتدائيه لوده تدريس الويريشلي و معلم افنديلرجه سهولتي اولق اوزره سلاطين عظام عثمانيه دن هر برينك تاريخ ولادتلييله جلوسلريني و زمان سلطنتلرنده واقع اولان باشليجه محاربه لر ايله بيوك وقه لريني قاج سنه سلطنت ايندكاري ايله تاريخ ارتيكللريني حاويدر . درسلك، چوجقلىك ذهنلرنده تقرر ايدوب ايتمه ديكي آكلاشلق و همده ملاكه حصولنه مداراواني اوزره هرري آلتنه بعض سؤاللر وضع ايدلش، ايجاب ايدن كله لره حركه، شده قولمش، و چوجقلىك آكلايه يله چكي بولده آچيق تربكه اوله رق ،
فلمه آلمشدر .

محرري:

احمد راسم

صاحب و ناشرى



استانول

آرتين آصادورپان و مخدوملرى مطبعه سنده طبع اولمشدر .

۱۳۲۹

آخر زمان پیغمبری حضرت ﴿محمد﴾ علیه السلام مکده طوغمشدر . قرق یاشنده ایکن کندیسه پیغمبرك کلدی . او زمان مکده بر طاقم پتله طاپانلری، حاشا بردن زیاده الله اولدیغنه اینانانلری دین اسلامه دعوت ایله دی. بونلرك بر قسمی، ایمانه کلدی . بر قسمی کلدی .

ایمانه کله ینلر ایچنده [ابوجهل] نامنده بر خائن وارایدی. حضرت پیغمبری اولدرمك قصه دیله ایمانه کله ینلری باشنه طوپلایوب خانه سنی قوشادی . حضرت پیغمبرده قوشادانلرك کوزلرینه بر آووج طوپراق سر به رك خانه سندن طیشاری چیقدی. دشمنلرك کوزلری کور اولدی. کوره مدیلر بونك اوزرینه ایلك اسلام اولان ابوبکر الصدیق حضرتلریله برابر مدینه یه کتدیله .

اشته حضرت پیغمبرك مکدن مدینه یه کیتمسنه بر یردن بریره کوچك معناسنه اولان «هجرت» دینلدی. اسلامك تاریخده او کوندن اعتبار اولندی .

حضرت پیغمبر مدینه یه کادکدن صوکره اسلاملر چو فالدی. اللهمک بر اولدینه اینانیا نلرله پك چوق محاربه ایتدی؛ ایمانه کلن کلدی. هجرتك سکزنجی سنه سی مکه ضبط ایدلدی. اونجی سنه **سنة** حضرت پیغمبر وفات ایتدی . کندیلرندن صوکره حضرت ابوبکر صوکره حضرت عمر، آندن صوکره حضرت

(قافقاسیا) طاعنرندن آشهرق برزماندن بری امر پادشاهی بی
 دیکله مین (قریم) خانی عزل ایله مش، یرینه (اسلام کرای) خان
 نامنده بریسی کچیرمشدر. عثمان پاشا استانبوله کلنجه حقنده
 پاش بیوک النفات ایدیلدی. صدر اعظم نصب ایدلدی. عثمان
 پاشا ینه ایران حدودینه کیندی؛ فقط وفات ایتدیکندن یرینه
 (فرهاد) پاشا تعیین اولوندی. او دخی ایرانی ازهرک (تبریز)،
 (روان) و (شیروان) شهرلری بزده قالمق اوزره معاهده ایدیلدی.
 - وائلر: قاج سنه سنده تخته چقیدی؟ - آوستریا لیر نه اولدی؟ -
 (وادی السبل) محاربه سی نصدر؟ - ایران محاربه سی نصل اولدی؟ -
 صوقوللو محمد پاشا نه اولدی؟ - عثمان پاشا کیمدر؟ - نه پایدی؟ -
 بغرهاد پاشا ایرانلیر نه پایدی؟ - آوستریا محاربه سی نصل اولدی؟ -
 سلطان مراد نه وقت وفات ایتدی؟ - قاج سنه سلطنت ایلامشدر؟ -

اون اوچنجی پادشاه

اوچنجی سلطان محمد

۱۰۰۳ ده عثمانلی تخته چیقمشدر.

(افلان) بکی (میخال) عصبیان ایدرک هم قریم خانی،
 هم ده صدر اعظم سنان پاشایی مغلوب ایتدی. لکن (بوسنه)
 طرفلرنده بولتان عسکر دخی بوزولمغه باشلاينجه خلق بیننده
 کفتکو چو فالدی.

بونک اوزرینه پادشاه بالذات محاربه یه کیتدی. آوستریا
 و مجارستانک الندن (اردل) و (اکری) قلعه لرینی آلدی.

(کرسچ) نام موقعه دشمنك بيوك براردوسنه تصادف ايئدی.



اوچ کون محاربه اولدی. اوچیچی
کون عسکر مغلوب اولغه باشلادی.
لکن چقاله زاده سنان پاشا بر بو.
صودن چيقه رق دشمنی کاملاً قهر
ایئدی. بونك اوزرینه سنان پاشا
صدر اعظم ایئدی.

پادشاه استانبوله عودتنده هر

طرفدن ایاجیلر کلدی. «جلالی

۱۳ محی پادشاه

وقعه سی، دینلن وچوق زمان امتداد سلطان محمد ناک حضرتلری
ایدن قاریشقلق زیاده لشدی. برمدت صوکره قریم خانی؛ دولت
عثمانیه بی طانیاهه، افلاقلیلر عصیان ایئدوب طونه بی کچمه،
آوستریالیلر دخی مجارستانه داخل اولغه باشلادیلر.

مراد پاشا نامنده بر وزیر دشمنی پریشان ایتمک مووفق

اولدی. تیریاکی حسن پاشا دخی (قمیژه) موقعنده شانلی بر محاربه
ایئدی. بو قاریشقلق اناسنده عجم شاه (شاه عباس) دخی
فرست بوله رق (تبریز) ی ضبط ایئدی. اندن (روان)
طرفلرینه طوغری ایئرله دی. سلطان محمد بو آراق وفات
ایئدی (۱۰۱۲).

۹ سنه سلطنت ایتمشدر. «فاتح اکری» دیه شهرتی واردر.

سؤالر : قاچ سنه سنده تخته چيقدی . ؟ - افلاق بکی ميخال فصل
محاربه ايتدی ؟ - بوسنده عسکر من نه اولدی ؟ - کرسجه موقعنده کی
محاربه فصل اولدی ؟ - استانبوله کاندکدن صکره نه طرفلرده قاريشقلىق
چيقدی ؟ - قنيزه موقعنده محاربه بی قازانان کيمدر ؟ - شاه عباس فصل
طاوراندی ؟ - قاچ سنه سنده وفات ايتدی ؟ - قاچ سنه حکومت ايتدی ؟ -
شهرتی نه در ؟

اون دردنجی پادشاه

برنجی سلطان احمد اول

سلطان احمد ۱۰۱۲ سنه سنده تخته چيقمشدر . ده ۱۴
ياشنده ایدی . جلوسنی متعاقب ايرانيلىر حدودی تجاوزده
و آلمانيايلىر محارستانی چيکنه مکه باشلاديلر . (چغاله زاده)
نامنده کی وزير ايرانه ، ياوز علی پاشا ، آلمانيايلىره قارشو کوندر يلدی .
آنا توليده توره بن جلالی اشقياسی ايله (جبل لبنان)

جهتلىرنده ظهور ايدن قاريشقلىق
دواتی دوشوندير مکه باشلادی .

بونک اوزرينه سلطان احمد

بالذات اشقيايی تاديب ايچون

! (بروسه) يه قدر کيتدی ؛ فقط

استانبول احوالک قاريشماسی

اوزرينه ينه عودت ايتدی . فساد

باشيلرينی بولدوردی . اعدام

ايتدردی .



۱۴ نجی پادشاه
سلطان احمد اول حضرتلری

آلمانیا لیر اوزرینه کیدن اردو برایش کورمه‌مدی ایسه‌ده
آلمانلری ده ایش کورمه‌که بر اقامدی . نهایت (سیدواتوروق)
معاهده‌سی یاپیلدی . بومعه‌ماهد ایلله آوستریا ک اولدن بری
دولت عثمانیه ویردیکی ویرکی قطع ایدیلدی . مجارستان اوزرنده
اولان نفوذمن قالمادی .

بومعه‌ماهد دن صوکره آناطولی اصلاحاتنه مامور اولان
(قویوچی مراد پاشا) آناطولیده اوتوز بیک جلالی بی تادیب ایتدی .
آناطولی بی عصیان ویرن (قلندر اوغلی) ، (قره‌سعید) ،
(موصللو چاوش) ، (جانبولاد) ، (فخرالدین) نام شقیلر تعقیب
ایدیلدی . مراد پاشانک سایه‌سنده (بغداد) ده تمیزلندی .

مراد پاشا اشقیایی ترسیه ایتدکن صوکره ایرانلر اوزرینه
بورودی ؛ عجم اردولرینی پریشان ایلدی . ایران دن صلاح
ایچون سفیرلر کلدی ؛ لکن دهامصالحه ایتمه‌دن مراد پاشا وفات ایتدی .
آوستریا واهلیرلرک تشویقیله (بغداد) ده اختلال چیقدی
ایسه‌ده اردولرمن دائما غالب کلدی .

سلطان احمد ۲۶۱۰ سنه‌سنده وفات ایتدی . ۴ سنه سلطنت ایتمشدر .

— ۱۰۱۰۰ . قاج سنه‌سنده تخته چیقدی ؟ - قاج باشنده ایدی ؟ -
حدودی یکن ایرانلر و آلمانیا لیرله قارشی کیملر کوندریلدی ؟ - آناطولی
لیده هانکی قاریشقلر چیقدی ؟ - سیدواتوروق معاهده‌سی کیملرله
یاپیلدی ؟ - مراد پاشا آناطولی بی نه یاپدی ؟ - آناطولی قاریشقلری
ایتدکن صوکره مراد پاشا کیملر اوزرینه کیتدی ؟ - ایران محاربه‌سینک
نتیجه‌سی نه اولدی ؟ - قاج سنه‌سنده وفات ایتدی ؟ - قاج سنه سلطنت
ایتدی ؟

اون بشنجی پادشاه برنجی سلطان مصطفی

۱۰۲۶ سنه سنده تخته چیقدی. سلطان احمدك برادریدر.



لمدیسك حالی بز آز مجنوبانه ایدی.
خزینة دولت اسراف اولوندی.
و حال اوچ آی قدر سوردی.
نهایت سلطان احمدك اوغلی سلطان
عثمان تخته چیقاریلدی. درت سنه
صوكره ینه سلطان مصطفی بی تخته
کچیردیلر. (حافظ پاشا) نامنده
بر وزیر بغدادی صیقیشدیردی.
لکن نفوذ حکومت سگته دار اولدی.
استانبولده قاریشقلق ظهور ایتدی. نهایت سلطان مصطفای
تختندن ایندیردیلر.

۱۵ نجی پادشاه
سلطان مصطفی حضرتلری

سؤاللر : قاچ سنه سنده تخته چیقدی ؟ - کیمك قارداشیدر ؟ - حالی
نصلدر ؟ - خزینة دولت نه اولدی ؟ - و حال قاچ آی سوردی ؟ - سلطان
عثمان نصل تخته چیقدی ؟ - سلطان عثمان نصل تخته چیقدی صوكره ؟
سلطان مصطفی ردها تخته چیقدیعی ؟

اون آلتنجی پادشاه ایکینجی سلطان عثمان

۱۰۲۷ سنه سنده سلطان مصطفادن صوكره تخته کچن بو



پادشاه در . تخته جلوسنده هوز
اون آتی یاشنده ایدی . (آذربایجان)
بولانیسلان اردو شاه اسماعیلی
صیقلش دیردی . ایرانیلر مغلوب
اولدی : مصالحه ایدیلدی . افلاق
بکری عزله اولوندی . لهلیرله عصیان
ایتمکله اوزر لرینه اردو کوندرادی .
بونلر مغلوب ایدیلدی . آتی دکرده کی

قورصانلر کاملاً ضریق ایدیلدی . سلطان عثمان ثانی حضرتلری
زماننده او قدر صفوق اولدی که سرای برونی ایله اسکدار
آراسنده کی دکر طوکدی . لهلیرله ایندیکی محاربه ده (خوتین)
قلعه سفی ضبط ایله دی . یکی چریلرک اطاعتسزلیکی ایله داود
پاشا خانی یوزندن ده اونسکرز یاشنده ایکن شهید ایدیلدی .
شهرتی (کنج عثمان) در ۴ سنه پادشاهلق ایتمشدر .

سؤالر : سلطان عثمان کیمدر ؟ - عجم وافلاق سفری نصل اولدی ؟ -
استانبولده ظهور ایدن صفوق نصل ایدی ؟ - شهرتی نه در ؟ - قاچ
سنه پادشاهلق ایندی ؟

اون یدنجی پادشاه

دردنجی سلطان مراد رابع

تخته چیقدیغنده اون ایکی یاشنده ایدی . ۱۰۳۲ سنه



هجریه می. سلطان مرادك جلوسنده
والده (ماه بیکر) سلطانك تدایر
حکیمانه سی سایه سنده اهل اولانلر
ایش باشنه چکدی .

بدايت سلطنتده بغداد حوا-
لیسینده (بکر سوء باشی) نام
خان بغداد والیسنی قبل ایدهرک
اورالرده زوربالغه قالدشمشدی .

۱۷ پادشاه

(آباره پاشا) نامنده بری دخی سلطان مراد رابع حضرتلری
عصیان ایدهرک روسه طرفلرینه قدر ایلرله مش ایدی . بکر
سوء باشی بغدادی ایرانلره تسلیم ایتمش و بو سببله نیجه اهل
اسلام قتل ایدلمشدر .

بوقاریشقلق توسع ایتدکجه ایتمش ؛ بر آراق قازاق قایقلری
دخی بوغاز ایچه قدر یاغمایه کلشیدی .

لکن (بوشناق خیمرو پاشا) نامیلله صدراعظم اولان بر ذات
اولا آناتولی به کچرک آازه پاشایی و عجم اردوسنی کلیاً تارمار
ایتدی : سلطوت عثمانیه بی کوستردی . بوسیره ده مجارستانه یورون
اللی بیک آلمان آفینجیسی دخی پریشان ایدیلشدر .

پادشاه جسور یکچری زورباشی تمام برسنه اصلاحات ایله
اوغراشدق دن صوکره عجملره سفر ایتدی . (روان) و (آذربایجان) ی
ضبط ایدهرک استانبوله عودت ایتدی ، فقط عجملرینه تجاوزه ایتدکلر ندن
بودغه بیوک براردو ایله جیقوب (بغداد) ی دخی ضبط ایله دی .

سلطان مراد رابع دها اوتوز یاشنه کله دن ارتحال ایتمشدر.
 ۱۶ سنه سلطنت سورمش جسور، غیور برپادشاهدر. سلطان
 احمد جامی جوارنده مدفوندر. (فاتح بغداد) دییه شهرتی واردر.
 سؤال: قاچ یاشنده نخته چقیدی؟ - ماه پیکر سلطان کیمدر؟ -
 آملولیده کی قاریشقلار هانکیلریدر؟ - بغداد نهمان ضبط ایدیلدی؟ -
 قاچ یاشنده وفات ایتدی؟ - قاچ سنه پادشاهلق ایتدی؟ - نصل
 پادشاهدر؟ - رهمده مدفوندر؟

اون سکزنجی پادشاه

سلطان ابراهیم

برنجی سلطان احمدك شهزاده لوندندر . ۱۰۴۹ سنه سده
 نخته چیقمشدر .



اولجه قاراقلرك اله کچن قازان
 قلعه سی جلوسنك ایکنجی سنه سی
 آلدی، وزیر (قره، مصطفی پاشا) نك
 همیتله اوج سنه لایقیه اداره امور
 ایدیلدی . لکن قره، مصطفی پاشا
 نهمبیدن ایسه صوکره لری اعدام
 ایدیلشدر . زماننده (کرید) محام
 ربه سی آچیلدی . ۳۵۰ پاره یلکن
 کیسی ایله ۵۰۰ بیک عسکر کوندرلدی .

۱۸ نجی پادشاه
 سلطان ابراهیم حضرتلری
 الی کون محاصره دن صوکره حانیه قلعه سی ضبط ایدیلدی .

کرید قوماندانی (یوسف) پاشا آتیه‌نک کاملاً ضبطنه .امور
ایدیلدی ؛ لکن بوسفر چوق اوزادی .

(هرسک) ده قاریشقلق چیقدی . وندیکیلر (مدلی)
آتیه‌نی قوشاندیلر . بواشاده سلطان عقلنده خفت اولق حسبیله
تختدن ایندیریلدی .

۹ سنه سلطنت ایتیش و ۳۴ سنه قدر یاشامشدر . آیاصوفیه
جوارنده مدفوندر .

سؤالر : سلطان ابراهیم کیمدر ؟ - نه وقت تخته چیقدی ؟ - قره
مصطفی پاشا کیمدر ؟ - قره مصطفی پاشا نه اولدی ؟ - کرید محاربه‌سی
نه اولدی ؟ - سلطان ابراهیم نه اولدی ؟ - قاج سنه حکومت ایتدی ؟ -
زنده مدفوندر ؟

اون طقوزنجی پادشاه
آوجی سلطان محمد



تخته جلوسنده هنوز یدی
یاشاندی . تاریخ جلوس
۱۰۵۸ سنه هجریه سیدر . والده
ماه پیکر سلطان حسن تدیری
ایله اورته‌انه نظام ویرلدی . کزیده
دونما کوندریلدی . آناتولیده
(قاطرجی اوغلی) نامیله برشقی
تپهلندی . و وندیکیلر آق دکرده
دوتمازنی خراب ایتدی ؛ لکن

۱۹ نجی پادشاه
آوجی سلطان محمد رابع حفر تری

(کوپریلی محمد پاشا) نام وزیر حکیم صدارت کلنجہ، ینہ اصلاح امیدلری جو فالدی .

سلطان محمد امور ادارہ بی محمد پاشایہ براقہرق کنیدیسی ادرنہدہ آو طالمیرینہ دالدی . محمد پاشا دولتی داخلاً اصلاح ایتمکله برابر ونڈیکلیری آق دکزده مغلوب ایلهدی . (اولاح) و (بغدان) بکلرینی دائرۃ اطاعتہ کتیردی . قریم خانی دخی قازاقلر اوزرینہ یوریوب (نورغورود) شہرینی آئشلرہ ویردی . کوپریلی محمد پاشا آلتی سنہ خدمتدن صوکرہ ارتحال ایندی . مشارالیہ عقل و حکمت و حسن تدبیر ایله وزرای عثمانیہ ایچندہ شہرت آلمشدر . خاندانی ہنوز باقی اولوب نام محترمی لسان عمومیدہ رحمتلہ یاد ایڈیلیر (رحمۃ اللہ علیہ) . وفاندن صوکرہ صدارت اوغلی (احمد فاضل) پاشایہ توجیہ ایڈیلدی .

فاضل پلشہ آلمانلرہ قارشی یوریوب ۲۰۰ بیک فروش ویریلیمک اوزرہ آنلری صلحہ، مجبور ایلهدی .

عودتدہ کریدہ یوریوب اوراسنی دہ ضبط ایندی . کرید محاربہ سندن صوکرہ (لہ) اوزرینہ محاربہ آچیلدی . بو محاربہدہ حضرت پادشاہدہ بولوندی . عسکر من غالب کلدی . حتی یکرمی بیک آلتون ویرکی ایله (بودلیا) و (قیرین) ایالتی بڑہ ترک ایڈلدی . (قرہ مصطفی پاشا) نامندہ کوپریلی خانداندن بر وزیر ویانہ بی ایکنجی دفعہ اولہرق محاصرہ ایندی ؛ فقط لہ قرالی

(زوبیه سیک) ننگ هجومی اوزرینه بوزولدی .
 دشمن هر طرفدن یوز توسترمکه باشلادی . نهایت سلطان
 محمد پادشاه لقمه چکیدی (۱۰۹۹) . ۴۰ سنه سلطنت ایتشدرد .
 سوآلر : قاچ یاشنده تخنه چیقدی ؟ - ماه پیکر سلطان نه یابدی ؟ -
 سلطان ان محمد آوجی دینلمه سنک سبی ندر ؟ - کو بریلی محمد پاشا
 نه یابدی ؟ - فصل بر وزیر ایدی ؟ - قاچ سنه خدمت ایتدی ؟ - اوغلی
 کیمر ؟ - له عارب سنک نتیجه سی نه اولدی .

یکرمنجی پادشاه

سلطان سلیمان ثانی

آوجی سلطان محمدک برادریدر ۴۷ یاشنده و (۱۰۹۹)
 سنه سنده عثمانلی تخنه چیقدی .

آنا تولیده ایکن عثمان پاشا خانی امر پادشاهی بی دیکله من
 اولدی . دشمن اندیس قلعه سنه قدر ایلدیله من ایدی .

نهایت جلوسنک ایکنجی سنه سی کو بریلیدردن . صطفی پاشا
 همتیله عسکر دوزادی . بر طرفدن قریم خانی (لهستان) ی اوردی .
 دیکر طرفدن عسکر مزده خصمنی طونه دن بو - کورتدی .

صدراعظمک اقدامی سایه سنده داخل و خارجاً آسایش
 یرینه کلدی . اصلاحات سائر ایله اوغرا شیرکن سلطان سلیمان
 وفات ایتدی .



۲۰ نجی پادشاه
سلطان سلیمان ثانی حضرت تری

تاریخ وفاتی ۳۰۲ سنه سپدر .
اوچ سنه پادشاهلق ایتمشپدر .
فایت حلیم ، اپی طبیعتلی بر پادشاه
ایدی والده تر به سنده مدفوندر .

سؤالر: قاچ سنه سنده وقاچ یاشنده
تخنه چیقدی؟ - یکن عثمانی پاشا کیمدر؟ -
دشمن هانکی قلعه یه قدر ایلمبله دی؟ -
مصطفی پاشا کیمدر؟ - نه پایدی؟ - سلطان
- ایمان قاچ سنه سلطنت ایتدی؟ - هانکی
تاریخده وفات ایتدی؟ - فصل پادشاه
ایدی؟ - زره ده مدفوندر؟

یکرمی برنجی پادشاه

ایکنجی سلطان احمد



۲۱ نجی پادشاه
سلطان احمد ثانی حضرت تری

چیقمشدر . جلوسلری اثناسنده
لالی یاشنده ایدی .

آلمانیالی ایله محاربه یه دوام
اولوندی . کوپرلی زاده مصطفی
پاشا صدارتده ابقا ایدلدی . مشار الیه
پاشا یوزبیک کشیک بر اردو ایله
بلغراد ی اوروب اورادن (وارادین)
قطعه سنده بولمان آلمانیه لویه قارشی
محاربه یه دوام ایتدی؛ فقط کندیسنگ

ودیکر وزیرانک شهید دوشه سی اوزرینه اردومنهنزم اولدی.
دشمن طونه یی تجاوز ایتدی .

بو قاریشقلق ائساننده حجازده قاریشقلق ظهور ایتدی .
دولتک امور داخلیه سی کیندکجه قاریشدی .

بو قدر قاریشقلق ائساننده آلمانیا لیره ، وندیکلیلره قارشو
اردو چیقاریلدی ایسه ده مغلوبیت ینه بزم طرفده قالدی . (ساقز)
آطه سی وندیکلیلر اله دوشدی .

بو ائناده سلطان احمد وفات ایتدی (۱۱۰۴) . ۴۰ سنه
سلطنت ایتش غیور بر پادشاه ایدی . یکی جامعده مدفوندر .

سؤالار : سلطان احمد کیمدر ؟ - هانکی سنه ده وقاج یاشنده تخت
جیتدی ؟ - مصطفی پاشا هانکی دولت ایله محاربه ایتدی ؟ - محاربه نک
صوک نه اولدی ؟ - حجاز طرفلری نعل ایدی ؟ - اردومنز قاب
کلورمیدی ؟ - قاج سنه پادشاهلق ایتدی ؟ - نروده مدفوندر ؟

بکرمی ایکنجی پادشاه

ایکنجی سلطان مصطفی

۱۲۰۶ سنه سنده و ۳۲ یاشنده اولدینی حالده تخت عثمانی به
جلوس ایتش ، یکیت بر پادشاهدر .

تخت جلوسنی متعاقب حرب تدارکانه باشلا یوب ساقزک
استرداد ایچون آق دکره برده دوباما چیقاردی . ۵۰۰ بیک
کشیک براردو ایله آوستریالیلری منهنزم ایدوب ادرنه به دوندی .
روسبه ایمپراطوری بیوک (پترو) (آزاق) قلمه سنه هجوم ایتش ،

۳۰ بیک کشی ضایعات ویرە رک رجعت ایتمشدر .
ایرتەسی سنە ۱۰۰ بیک کشیلک بر اردو ایله آوستریا اوزرینه



۲۲ نجی پاشاه

یورودی . آوستریالیلری فنا حالده
مغلوب ایله دی . صوکر ا بادشاه
استانبوله عودت ایدوب قلیج قو-
شاندقدن صوکره ۱۵۰ کشیلک
بر اردو ایله ینه آوستریا اوزرینه
یورودی ؛ فقط الماس پاشا دینان
وزیرک بطائنی یوزندن اردومن
بریشان اولدی . نهایت قارلوفجه

مهاهده سی نامیله برمهاهده باییلدی .
سلطان مصطفی ثانی حضرتلری
بومهاهده طونه نك صول ساحلی آوستریا به . آزا ق قلعه سی
روسیه به ، جزایر سبعة دینیان و شمیدیکی یونانسه تانك ضرب
طرفده بولنان (قورقو) ، (کفالونیا) ، (زانطه) ، (ایامورا) ،
(ایناکیا) ، (باقسوس) و ندیگلی به ویریلدی . قریم خانلری
ویرکیدن معاف ایدیلدی .

صدر اعظم اولان عموجه زاده کوپرلی حسین پاشانك
غیرتیه اورتلوق دوزلدی .

سلطان مصطفی تخندن چکیلدی (۱۱۱۵) . آلتی آی
صوکره وفات ایتمشدر . ۹ سنه سلطنت سورمشدر . مقدم ،
غیرتلی بر پادشاه ایدی .

— ژالار : سلطان مصطفی قاج یاشنده وهانکی سنه ده تخنه چقیدی ؟—
مجارستان اوزرینه قاج دنده یورودی ؟— الماس پاشا کیمدر ؟— قارلوفجه

معاهده سی نہ اوزرینہ یابیلدی؟ نتیجہ نہ در؟ دولتہز بومہ مہمدہ ایلہ نہ۔
لربی ظائب ایتمشدر؟ قاچ سنہ پادشاہلق ایتدی؟ - فصل پادشاہ ایتدی؟

یکرمی اوچنچی پادشاہ اوچنچی سلطان احمد

۱۱۱۵ سنہ سنندہ تخت عثمانی بہ جلوس ایتمشدر . دولت
ایلہ روسیہ آرہ سنندہ ایلک محاربہ بو پادشاہ زمانندہ بدأ ایتمشدر .
اون ایکنچی (شارل) دنیلن اوچ قرالک عثمانلی بہ التجاسی
اوزرینہ روسیہ ایمپراطوری (بیوک پترو) تجاوزاتہ باشلادیقمن
صدر اعظم (بالطہجی محمد) پاشا ۱۰۰ بیک کشی ایلہ ارسال
ایدیلدی . بیوک پترو وقوع بولان محاربہ دہ مغلوب اولدی .
آزاق قلعه سی عثمانلی الہ کچدی . روسلرک (پروت) معاهده سی
یابیلدی . محمد پاشا (دلی پترو) پی اسیر ایدہ جک درجہ دہ
صیقیشدیرمش ایکن بویلہ برزماندہ
یارارسزلق کوستردی . مومی الہ
اعدام ایدلمشدر .



۲۳ نجی پادشاہ
سلطان احمد ثاک حفر تری
۳۰ صردہ ، عربستاندہ ظہورایدن
عصیان باصدی رلدی . سلطان احمد
بالذات مورہ اوزرینہ یورویوب
اورالری تکرار الہ کچیردی . بونک
اوزرینہ آلمانیا لیلر اعلان حرب
ایتمکلہ (علی پاشا) قومانداسیلہ

کو ندریلن عسکر من (پرنس اوژمن) دنیلن آلمان قوماندانه مغلوب اولمش و علی پاشا شهید دوشمشدر . صکره لری براردو ده کوندلش ایسه ده اوده مغلوب اولمش حتی بلغراد قلعه سی آلمانر النه دوشوب دشمن عسکری شیمدی صرپلیلرده بولنار (نیش) شهرینه طوغرو ایلیله مشدر .

• مصالحه ای دیلدی . (بلغراد) ، (طمشوار) قلعه لری آلمانره ترك اولدی . بونك اوزرینه استانبولده هرکس راحت و حضوره طالدی . لاله سفاحتی دینیلن و ملک و ملنه اك بیوک ضرری طوقونان اکنجه لر داماد ابراهیم پاشا یادکاریدر .

(ابراهیم متفرقه) نامنده مجاری بره هتدینك همتیله ملکمه ایلك دفعه اوله رق مطبعه کشاد اولونمشدر .

ایرانده ظهورایدن سلطنت دعوالری و ونی متعاقب (نادرشاه) مسئله سی دولتی یکیدن مشاغله صوقدی . ایران علیه هرب آچیلدی .

سلطان احمد تختدن ایندی (۱۱۴۳ سنه سی) . ۲۸ سنه پادشاهلق ایتمشدر . آلتی سنه ده معمور اولمشدر .

سؤال: قاچ سنه سنده تخته چیتدی؟ - روس عماره سی نصل اولدی؟ - بالطه جی محمد پاشا کیمدر؟ - نه بایدی؟ - روسلرله یابدیفمز ایلك بیوک معاهده هانکپسیدر؟ - آلمان عماره سی نصل اولدی؟ - لاله سفاحتی ندر؟ - ایلك مطبعه یی کیم آچدی؟ - نادرشاه مسئله سی ندر؟ - سلطان احمد قاچ سنه پادشاهلق ایتدی؟ - بعدالمراغ قاچ سنه یاشادی؟ -

بکرمی دردنجی پادشاه برنجی سلطان محمود خان

۱۱۴۳ سنه سنده تخت عثمانی به جلوس ایتشدر (باطرونه خلیل) دینیلن عاصی ایله رفاقه سنک و جودی قاندرادی طوپال عثمان پاشا صدر اعظم ایدیلوب ایران اوزرینه کونده ریلدی.



صدر اعظم نادر شاهي بغداد طرفلرنده فاحالده بوزدی . لکن نادر شاه بر مغلوبیتله عز مندن دونر آدم اوخادیغندن (موصل) جهتلرنده بر محاربه دها اولدی . صدر اعظم عثمان پاشانک شهید اولماسندن اردو-من بوزولدی . بونک اوزرینه ایرانیلر ، کرجهستان طرفلرینه

طوقه سی یورودیلر . ایکی طرفده سلطان محمود اول حضرتلری ۲: نجی پادشاه غالب و مغلوب اولیوردی . نهایت مصالحه اولدی .

روسلر قره دگز ساحلنه ال اورائنه باشلادیلر . قریمه کیردیلر . بونک اوزرینه اعلان حرب ایدیلدی . آوستریا دخی علیهمزه اعلان حرب ایتدی . (یکن محمد پاشا) ناهیه صدر اعظم اولان ذات دشمنی طونه نك اوته طرفنه بوسه کورتدی . یکن محمد پاشادن صکره وزیر اعظم اولان الیاس پاشا دخی غیور بر ذات اولدیغندن عساکر عثمانیه پک چوق غلبه به نائل اولدی . آوستریا روسیه نك اتفانندن آیریلدی . نهایت صلاح اولدی . بلغراد

دولت عثمانیه ده قالدی. بوندن صکره صلح واستراحت حکم ایتدی.
سلطان محمد ۱۱۶۸ سنه سنده جمعه نمازندن دوزر ایکن آت
اوزرنده ارتحال ایتمشدر. مدت سلطنتی ۲۵ سنه در. صاحی
سور، حسن اخلاق صاحی بر پادشاه ایدی.

- ژالر: قاج سنه سنده تختنه چیتدی؟ - پاترونه خلیل نه اولدی؟ -
طوپال عثمان پاشا کیمدر؟ - ایران محاربه سی نه اولدی؟ - روس
و آوستریا محاربه سی فصل باشلادی؟ - نتیجه سی نه اولدی؟ - پادشاه
فصل وفات ایتدی؟ - قاج سنه پادشاهلق ایتدی؟ - فصل پادشاه ایدی؟

یکرمی بشنجی پادشاه

اوچنجی سلطا عثمان

۱۱۶۸ سنه سنده عثمانلی تختنه یکمشدر ۵۳ یاشنده ایدی.



کندیسی زهد و تقوی صاحی
اولوب مدت سلطنتی صلح ایله
چیرمشدر.

برکیجه باغچه قپوسی جهتنده
بریانفین ظهور ایدوب ۲۴ بیک
خانه یانمش و استانبولی ویرانه یه
دوندیرمشدر.

نور عثمانیه جامی بناسنک
اکمالی بو پادشاه زماننده میسر
اولمشدر.

۲۰ نجی پادشاه

سلطان عثمان ثالث حضرتلری

۳ سنه سلطنت صوکره ارتحال داربقا ایله مشدر. کندیسی

هر كسك عبت و حرمت مخصوصه سنی جاب ایتش بر پادشاه
ایدی. نمشی والده جامی تر به سنده مدفوندر.

. سؤالر : قاج سنده تخته چیتهدر ؟ - نسل پادشاه ایدی ؟ -
زمانده محاربه اولدی ؟ - استانبول یانغینی نسل ایدی ؟ - قاج
سنه پادشاهلی ایتدی ؟ - نسل پادشاه ایدی ؟

یدرمی آلتنجی پادشاه

اوچنجی سلطان مصطفی

سلطان مصطفی ۳۳ یاشنده ایکن تحت عثمانیه جلوس

ایتمشدر . جلوسی ۱۱۷۱

سنه سنده در .



زماننده صدراعظم اولان

(راغب پاشا) نك همتيله ، مالك

عثمانیه ده حيله قوران اجنیدرك اجرا-

آتی منع ایدیلدی. نظاملر احداث

اولوندی . راغب پاشا عالم، فاضل ،

شاعر و همت صاحبی بروزیرایدی.

۲۶ نجی پادشاه

بالآخره سلطان مصطفایه داماد سلطان مصطفی ناك حضرتلری

اولمشدر . دولتی یدی سنه صلح ایچنده اصلاح، همت ایتدی .

وفاتنده ۴۵ یاشنده ایدی .

روسلرینه قره دکز ساحلنه یاقلاشمق ایچون آوستریا

و پروسیا ایله اتفاق ایدوب (لهستان) ی یايلاشمغه قالقشدنلر .

وبونك اوزرينه روسيه عليه حرب آچیلدی . صدراعظم لمین
باشاك بطاىنى بوزندن عساكر عثمانیه مغلوب اولدی . روسلر
بالطیق دكزنده كائن (سوند) بوغارندن دونانما آشوروب (غازی
حسن) بك قومانداسنده بولوبان دونانمازى (چشمه) لیمانده
یاقدیله : (لمنى) آطهسنى ضبط ایتدیله . غازى حسن بك ایسه
بومغولیتك آجیسنی چیقارمق اوزره برکرمده روسلر
اوزرینه هجوم ایدوب (لمنى) آطهسنى ضبط ایلادی . لکن رى
طرفدن روسلر بالقائله طوغرى ایلریلیورلردى . صالح
تکلیفلىرى میداهه چیقدى ایسده بك آغر اولدیغدن یكیدن
حربه باشلاستیلدی .

‘ بو آرائق سلطان مصطفی ارتحال ایتدی (۱۱۸۷) . اون
آلتی سنه پادشاهلق ایتشدر . مشارالیه مقدم بر پادشاه ایدی .
لاله لیده مدفوندر .

سؤالار : قاچ یاشنده وهانكى سنه ده تخته چیقدى ؟ - راغب پاشا
کیمدیر ؟ - نه ییدی ؟ قاچ سنه خدمت ایتدی ؟ - روس محاربه سی
نصل اولدی ؟ - نتیجه سی نه اولدی ؟ - قاچ سنه پادشاهلى ایتدی ؟ -
نصل پادشاه ایدی ؟

یگرى یدنجى پادشاه

برنجى سلطان حمید

اللى یاشنده اولدینى حالد ، ۱۱۷۸ سنه هجریه سنده عثمانلى
تختنه چیقمشدر . بوزمان دولتك اك قاریشیق برزمانى ایدی



۲۷ نجی پادشاه

(آزاق) قلعه سیله (کرجستان) ، سلطان حمید اول حضرتلی
(چرکزستان) روسیه په ترك ایدیلدی . روم ایلیدن (اوزی
صوبی) سینور اتخاذا اولوندی .

معاهده یتدکدن سوکره (جبل لبنان) و (سوریه) طرفارنده
(شیخ طاهر) که عصیان و مصرده کوله منلرک قیامی، یانیه جهتلرنده
دخی تبه دئلی (علی پاشا) نک باعث اولدینی قاریش قلیق ظهور ایتدی.
قپودان حسن پاشا جبل لبنانی اصلاح ایتدی. مصر ایسه
کندی کندینه دوزلدی. روسلر قریمی کندی ملک لرینه قاتمق هوسیه
اوراده اختلال چیقاردیلر، نهایت اله کچیردیلر (۱۹۳۱ سنه سی).
روسیه ایمراطویچه سی (قازینه) موره طرفلرنده اختلال
چیقارتمق هوسنده اولدیفندن بوسفر روسیه علیه حرب
آچیلدی . محاربه نک ایلك زمانلرنده عثمانلی عسکری غالب
کلوردی ، عساکر عثمانیه آوستریا ممالکنی چیکنه مش ایسه ده .

روسار (اوپزی) قلعہ سنی محاصرہ ایدہ رک نہایت الہ کچیر مشلر .
 اورادہ پولونان، یکر می بیک نفوسی قیلجبدن کچیر مک کبی بر
 سر جتہنزلکی ارتکاب ایتشلرد . بونک اوزرینہ طونہ بی سرور ایتدیلمر .
 سلطان حمید اول بو آراق وفات ایتدی (۱۲۰۳) . مدت

سطنبری ۱۶ سنہ در . فایت مقدم بر پادشاه ایدی .
 سؤال : قاچ یاشنده وهانکی سنہ تختہ چیقدی ؟ - قاینارجه
 معاهده سنی کیچیک یاپدی ؟ - نتیجہ سی نه ایدی ؟ - زہ لردہ فاریشیلق
 چیقدی ؟ - ایکچی روس محاربہ سی نصل اولدی ؟ - قاچ سنہ پادشاهلق
 ایتدی ؟ نصل پادشاه ایدی ؟

یکرمی سکزنجی پادشاه

اوجنجی سلطان سلیم

۱۲۰۳ سنہ سنہ ۲۸ یاشنده اولدینی خالدہ تخت عثمانیہ



۲۸ نجی پادشاه

سلطان سلیم ثالث حضرتلری

جلوس ایتدی . مقدم ، غبور
 بر پادشاهدر . روسیہ محاربہ سی
 حالا دوام ایتکده اولدیغندن
 روسار اوزرینہ ۱۵۰ بیک کشیک
 براردو کوندردی . لکن دشمنک
 عسکری منتظام اولدیغندن اردومن
 مغلوب اولیوردی (اسماعیل)
 قلعہ سنہدہ وحسن پاشانک
 قومانداسند، بونان فرقی بیک دلاور

روسیه نك اك شدتلى هجوملرينه كوكس ویردیلر . بومحاربده
عساكر عثمانیه نك متاتی طله حیرت ویردی . نهایت روسسلر
قلعهیه کیردیلر . ایتمهك ظلم بیراقدیلر .

بوآرالق فرانسهده بیوك برقاریشبقلق ظهورایتمكه آوستریا
روسیه انفاقندن آیریلدی . روسلر دخی آرتق محاربیدن واز
کچدیلر . (یاش) شهرنده معاهده ایدیلدی . بومعاهده ایله
(طورله) صوبی حدود طانیلدی . روسلر (هوجهبك) یعنی
شمدیکی (اودهسا) شهرینی تأسیس ایستیلر .

سلطان سلیم نظام جدیدنامیله منتظم عسكرووجوده کتیرمه
چالیشدی . طوبجی عساكرینی اصلاح ایستدی . یکچیریلردن نظام
جديد علیهنده بولونانلر برر برر تپهلندی .

فرانسهده (جنرال بوناپارت) نامیله ظهور ایدوب صوکره لری
فرانسه ایمپراطوری اولان نابولیون ، مصره عسکر دوکدی .
بوجهتله دولتك باشه بیوك برغائله آچدی . بوناپارت قاهرهیه
قدر کیرمش ایدی . بونك اوزرینه دولت انكلتره ایله اتفاق
ایستدی . روسلر دخی بواتفاقه داخل اولدی . عثمانلی وروس
دوناماسی (جزایر) سبعة دینیلن یونان آطه لرینی ضبط ایلدی .
انکلیزلر فرانسه دوناماسینی پریشان ایستیلر بوناپارت مصرده
برمقدار عسکر بیراقوب فرانسهیه کیندی . بوناپارتك مصردن
خروجندن صوکره اورایه کوكلی عسکر اوله رق کیدن (محمد
علی) نامنده برذات مصری قورجالادی . دولتك قاریشقاغندن

استفاده ایدراك اورايه والى اولدى
 صربيه ده ، قره طاغده ، اختلالر چيقدى . بوناپارت بو
 آرەلى فرانسەيه ايمپراطور اوانغله دولت عليه ايله اتفاقه ميل
 ايتدى . سفير يوللادى . بونك اوزرينه انكليز دونماسى مرمره
 دكزينه كيردى ايسه ويريلان استحكام اوزرينه رجعته مجبور
 اولديلر . روسلار اعلان حرب ايتديلر . طونه يه عسكر سوق اولدى .
 ۱۲۲۱ سنه سنده سلطنتدن چكيدلى . سلطنتدن چكيلمەسى
 كندى تاسيسى اولان نظام جديد عسكرينك لغوى حقنده
 قره دكز يماقلرندن قباچقى نامنده برخائك موسى باشانك
 تشويقيله اختلال چيقارمى اوزرينه در . ايشته بو اختلال
 نتيجه سنده دردنجى سلطان مصطفى تخنه چيقمشدرد . ۱۹ سنه
 سلطنت ايتمش و برسنه صوكره ارتحال ايله مشدر . بك مقدم ،
 غيور ، معارفور فقط صوك درجده حليم بر پادشاهيد .

سؤالر : قاج ياشنده وقاج سنه سنده تخنه چيقدى؟ - روس محاربه سنه
 قاج كشيك اردو كوندردى؟ - عسكرى نه ايچون بوزوليوردى ؟ -
 كيم غالب كدى ؟ - ياش معاهده سى نصل اولدى ؟ - نظام جديد نه در ؟
 بوناپارت كيمدر ؟ - نه يابدى ؟ - محمد پاشا كيمدر ؟ - نه يابدى ؟ -
 انكلتره و روسيه بزمه نه ايچون محاربه ايتدى؟ - انكلتره لى مرمره
 نه اولدى ؟ - سلطان سليم نه وقت سلطنتدن فراغت ايتدى؟ -

يكرمى طقوزنجى پادشاه

دردنجى سلطان مصطفى

۱۲۲۲ ده ۲۹ ياشنده اولدنى حاليه تخنه چيقمشدرد .



۲۹ نجی پادشاه
سلطان مصطفی رابع جسر تری

زماننده بایراقدار مصطفی پاشا-انک
هایتله روسیه ایله صلح ایدیلیمشدره
یکیکچریلر تادیب ایدیلیمشدر. (قباجقی)
ملکونی اعدام اولمیشدر. ۳۳ یاشنده
وفات ایتمش درت سنه قدر سلطنت
ایله مشدر .

سؤالار: قاج سنه سنده نخته چیقدی؟
- روسیه ایله نه پایدی؟ - قباجقی ملکونی
نه اولدی؟ - قاج یاشنده وفات ایتدی؟
- قاج سنه پادشاهاق ایتدی؟

اوتوزنجی پادشاه

سلطان محمود ثانی

۱۲۲۵ سنه سنده تخت عثمانی به جلوس ایتمشدر . هنوز



۳۰ نجی پادشاه
سلطان محمود ثانی جسر تری

یکرمی اوچ یاشنده برجوان ایدی .
یکیکچریلر بو صروده ده کورولتی
چیقار دیلر. بونک-ببی صدر اعظمک
«سکمی» نامیله ترتیب ایتدیکی نظامی
عسکری ایسته مدکری ایدی .

اوتهدنبری ، موره طرفلرنده
ایقاع شورش ایدن تبه دلی علی پاشا
اعدام ایدلمشدر .

سلطان محمود یکیکچریلکک الفاسی

ایچون ۱۶ سنه صبر و نهایت موفق اولمشدر. (۱۲۴۱ سنه سی) یکچیریلر ات میداننده اجتماع ایدوب عدم اطاعت اماره‌لری کوستردکیرندن قشله‌لری ده، کندیلری ده، محو ایدیلدی. آدن صوکره نظام جدید چیقدی دولت اطاعتلی رعسکره مالک اولدی. یونانستان طرفلرنده اختلال اماره‌لری کورولدی. فرانسه و انگلتره دولتلری بو اختلاله یارديم ایدیورلردی. حتی دونماری (ناوارین) بولونده کوروندی؛ بزم دونماری یاقدیلر. یونانسانه استقلال ایسته دیلر. دولت بوتکلیفی قبول ایتدیکندن روسلر علیهمزه اعلان حرب ایتدی نهایت مصالحه اولوندی. مصر والیسی محمد علی پاشا سوریه اوزرینه یوریدی. بو یوزدن دولته یکی برغانله دها چیقدی (نزیب) ده بزم عسکر فنا جالده بوزولدی. لکن دها خبری کله دن سلطان محمود وفات ایتدی ۳۲ سنه پادشاهلق ایتمشدر. نامنه «سلطان محمود عبدال» دینیر پلک بیوک بر بادشاه ایدی.

سؤالر: قاج تاریخده و قاج یاشنده نحوه چیقدی؟ - یکچیریلر کورولتی چیقارمه‌لری نه سببه مبنی ایدی؟ - تیه دالی علی پاشا کیمدر؟ - صوکره نه اولدی؟ - یکچیریلرک العاسنه سلطان محمد فصل موفق اولدی؟ - نظام جدید نه در؟ - یونانستان فصل مستقل اولدی؟ - ناوارین وقعه سی فصل اولدی؟ - روسیه ایله اعلان حربه سبب نه ایدی؟ - مصرلی محمد علی پاشا نه یاپدی؟ - قاج سنه سنه وفات ایتدی؟ - نام مبارکی نه در؟

اوتوز برنجی پادشاه

سلطان عبدالحمید

۱۲۵۵ سنه سنده اون سکنز یاننده ایکن عثمانلی تختنه کچمش

بیوک بر پادشاهدر .



« مصر اختلالی بیودی . نهایت بر
چوق دولترک آرایه کیرمسیمه ایالت
ممتازه یعنی امتیازلی بر ولایت حاله
کیردی . بوراده والیک ایتمک امتیازی
محمد علی پاشا سلسله سنک بیوک
اولادینه ویرلدی . « کاخانه خط هایونی »
نامه له دولنک اصلاحنه یارایه جق
بر خط هایون چیقاریلدی .

۳۱ نجی پادشاه

صدراعظم رشید پاشا کبی اهلینلی - سلطان عبدالمجید حضرتلری

عقللی بر وزیر سایه سنده دولت ایلیله مکه باشلادی . روسلره
قارشى حرب ایدیلدی . بومحاربه یه [قریم] محاربه سی دینیر .
اشکلتره ، فرانسه اوزمان سجیلتمین دینلن ایستالیا بزمه برلشدی .
سیواستپول ضبط ایدیلدی . سلمترة قارص محاربه لرند بزم
عسکرک جسارتی طاله طویلدی . نهایت « پارس معاهده سی »
یاییلدی .

سورپده قارپشقلق چیقدی جبل لبنان آیری والیک

حاله کبردی بوندن بر آز صکره سلطان عبدالمجید هنوز قرق
باشنده ایکن وفات ابتدی .

۲۲ سنه پادشاهلق ایتمش . غیور، دیندار برپادشاه ایدی .
مدینه منوره بی یکی باشدن تعمیر ایله مشدر .

سؤالر : قاج باشنده تختہ چیقدی ؟ - مصر نه اولدی ؟ - کلخانه
خط هایون نه در ؟ - روس مواربسی نه اولدی ؟ - جبل لبنان نه
اولدی ؟ - قاج سنه پادشاهلق ایندی ؟ - نسل پادشاه ایدی ؟ -

اوتوز ایکنجی پادشاه

سلطان عبدالعزیز

۱۲۷۷ سنه سنه ۳۳ باشنده اولدینی خالد عثمانلی تختنه چیقمشدر .



زماننده اوروپا دولتریلہ مناسباته
باشلانیلدی . داخلا اصلاحات
پاییلدی . عثمانلی مملکتی ولایتلره
آیریلدی . شورای دولت آجلدی ،
استانبولده مکتب سلطانی ، مکتب
صنایع ، ولایتلرده اصلا حخانلر
وجوده کتیرلدی . عثمانلی عسکرینه
یکی باشدن انتظام ویرلدی . اوروپا دن

۳۲ نجی پادشاه

آلان بورج پاره لر ایله (استقراض) سلطان عبدالعزیزخان حضرتلری
قوتلی بردونما تشکیل اواندی بودونما اوزمان انکلتره وفرانسه دن

صکرة برنجی درجہ دے ایدی .
 قرہ طاغدہ ، کریددہ چیقان اختلال باصدی رلدی . یمن یکیدن
 فتح ایدیلیرجہ سنہ ربط و ضبط آلتہ آلدی .
 جلوسندن برسہ صوکرہ (مصرہ) کیتدی . اوروپایی ایلک
 دفعہ زیارت ایدن عثمانلی پادشاهی کنڈیسیدر . ۱۲۸۴ سنہ سنندہ
 (پارس) دہ آجیلان سرکی بہ کیتدی . آندن صکرة انکلتربہ
 کچہرک عودتندہ آوستریانک ہای تخی اولان (ویانہ) بہ اوغرا دی .
 ۱۲۹۲ سنہ سنندہ ہرسک و بوسندہ عصیان چیقدی . زمانندہ
 شیمدیکی رومانیا قبرا للنی (افلاق بغداد) بکلی ایدی . صربیہ ،
 قرہ طاغ بڑہ ویرکی ویرر برر بکک ایدیلر . روسلرک بارہ غیلہ
 روم ایل قاریشیوردی . ۱۲۹۳ سنہ سنندہ تختدن ایندی رلدی .
 بش کون صکرة مقاصلہ قولندہ کی طماری کسہرک انتخاریتدی .
 سلطات محمود تربہ سنندہ مدفوندر .
 ۱۵ سنہ ۴ آی ، ۱۹ کون پادشاہلق ایتمشدر .

سؤالر: قاچ باشندہ تختہ چیقدی ؟ - زمانندہ نہ پایلیدی ؟ - نہ درلو
 مکتبلر آجلدی ؟ - عسکر و دونماز نہ حالہ کیردی ؟ - اوروپا سیاحتندہ
 زہرہ اوغرا دی ؟ - ہرسک و بوسنہ اختلالی ہانکی سنہ چیدی ؟ -
 رومانیا ، صربیہ ، قرہ طاغ زمانندہ نصل حکومتلر ایدی ؟ - قاچ سنہ سنندہ
 خلع ایدلیدی ؟ - وفاتی نصل اولدی ؟



۲۴ نجی پادشاه
ایکنجی سلطان حمید

قره طاغیلر ده آياقلا نیوردی. مدحت
باشا کبی عاتل ، حکیم ، بر وزیرک
با دینی (قانون اساسی) پی مله
ویردی . فقط ۱۲۹۴ ده آجیلان
روسیه محاربه سنک صوکنده
ینه ملک الدن آلدی . روسیه
محاربه سنده روسلر ، آياستفانوسه قدر
کلدیله . آز قالدی دولت محو اولیور-
دی . برکت ویرسون که اوروپا

دولنلری آرمیه کیردیله (برلین) معاهده سی یاپیلدی . بو معاهده
ایله دولت افلاق و بغدادی ، صربیه پی ، قره طاغی غائب ایئدی .
افلاق و بغدادن بکلکی (رومانیا) نامیله قراللق اولدینی کبی
صربیه ده قراللق و قره طاغ ایسه باشلی باشنه برنسلک اولدی .
اسکی طونه ولایتی (بلغارستان برنسلکی) نامیله میدانه چیقدی .
اسکی قلبه سنجاغی توابعی (شرقی روم ایلی) ولایت ممتازده سی
شکلنه کیردی . نیش سنجاغی صربیه یه ویریلدی . بوسنه هر سیک
آوستریا و مجارستانک اشغال عسکری سی آلتنه کیردی . یونانیلر ترخاله
واسکی شهر سنجاقلرینی آلدیلر . ایران بیله (خوی) طرفی ضبط
ایئدی ؛ روسلر آناتولی ده (قارص) ، (اردهان) ی ملککلرینه
الحاق ایئدیله . دونامامز قره دگزده چیقه نماز اولدی ، (قبریس)

آطه‌سی انکلتزه به کج‌دی .

زمانه انکلتز مصری اشغال ایلدیلر . بلغارلر بر قربان
یا پرسی کونی شرقی روم ایلی به هجوم ایدره ک ضبط ایتدیلر .

۱۳۱۴ سنه سنده کربد آطه‌سندن طولانی یونان محاربه‌سی

آچیلدی . عسکر من‌قالب کلدی ایسه‌ده هیچ بر فائده قزانه‌مادق .

بالکنز ایکی سنه عسکره کربد المزدن چبقه‌رق روسیه، فرانسه،

انکلتزه و ایٹالیانک‌هایه‌سنه کج‌دی . مالیه من بوزولدی . دوزلمز

حاه کلدی . معارفز کو کندن قورییوردی . هله دونامامز

هیچ قالمادی . عسکری جه‌تنده بر آرتقی کوریلور ایدیه‌ده

قوماندا کندی‌النده اولدیغندن قوتمز هیچ مثابه‌سنده ایدی .

حق دولتی بلغارلر، صربلیلر، قره طاغلیلر بیله آراده‌صره‌ده

تهدید ایدیورلردی . اوروبا دولتلری داخلی ایشلر مزه

قاریشیدیلر (ماکدونیا) یعنی سالانیک، مناستر قوصوه ولایتلری

از قالدی المزدن کیدیورلردی .

ایشته بوانسالرده روم ایلیده سلطان حمید علیهنه برجریان

حاصل اولدی . کنج ترک‌لر (اتحاد و ترقی جمعیتی) نامیه برج‌میت

تشکیل ایتشلردی . بو محترم جمعیت فعالیت‌ه کلدی . ۱۳۲۴ سنه‌سی

تموزینک اوننده سلطان حمید غصب ایتدیکی قانون اساسی‌یی

ملته ویردی . بوسنه‌نک قانون اولک بش‌سنده مجلس مبعوثان

آچیلدی . ۱۳۲۵ سنه‌سی مارتینک اوتوز برنجی کونی استانبوله

عسکری اختلال ظهور ایتدی .

عسکر آلدایلمش ایدی . یوللرده « شریعت ایسترز » دییه
باغیر یورلردی . حال بوکه شریعتمز میدانده طوریه-وردی .
مشروطیت شریعتک اثریدر .

استانبول تمام اون برکون دھشت ایچنده قالدی . فقط
روم ایلیده بولان اوچنجی وایکینجی اردو قهرمانلری محمود شوکت پاشا
کبی هیتلی امرانک قومانداسنده اوله رق استانبوله کلدیله . نيسانک اون



۳۰ نجی پادشاه

برنجی جمه ایرته-ی صباحی شهره
کیره رک عاصی عسکری تادیب
ایتدیله . اوچ کون صوکره
(- سلطان حمید) ی خلع ایده رک
سلاسیکه یوللادیله . مشروطیتمز،
قانون اساسیمزی یکیدن استرداد
ایتدیله . شهزاده رشاد اقدی
بشنجی سلطان محمد عنایله
عثمانلی تختنه چیقدی و دولته
حیات تازهلدی . مساوات ، عدالت ، اخوت کلهری معنای
حقیقیسی ایله حکم ایتکه باشلادی .

۱۰ تموزدن صوکره آوستریالیله دولته ۲۰۰ میلیون لیرا
ویره رک بعض تعهدات سیاسیه ده بولنه رق هرسک و بوسه-نی
مملکتلرینه الحاق ایتدیله . بلغارلر دخی استقلال ایدوب

قراللىرىنى اعلان ايتدىلر . بو حاللارك جملە سەنە سەبب سلطان
حمىدك فنا پولىتىقەسى ايدى .

۱۰. تموزده زندانلرده ايكله ين يىچارەلر ، سوركونده بولان
زواللىلر قورتولدىلر . آرتق چاليشمق ، وطنه ، ملتە ، دولتە
سربست سربست خدمت ايتمك زمانى كلدى . ترك ، صرب ،
آرناوود ، كرد ، روم ، ارمنى ، يهودى ھېسى (عثمانلى) نامى
آلتىندە اتحاد ايتدىلر . بوندن بويەلە مساوات ، عدالت ، اخوت
جارى اولەجق ، ھركس نظر قانۇندە بر طوتىلەجقدىر .

